

特遣清香起自低

喜雨二解

呈檢閱同官諸丈已未七月

烏撒新春玉粒堆齊頭穠穉又相催高田猶怕來秋旱

上界俄聞發水雷幾日雲車停野外今宵雨旆入城來  
須臾簷溜如奔峽枕上吟哦一快哉

須知造化自心生風雨雲雷特踐形人在兩閒元有事  
天於萬類豈無情焦枯蒙潤物蘇醒昏去聲悶得涼身泰

平昨夜桃笙時便肯定應收捲向金莖

中秋無月和曾儀吉制幹

見說瓊樓忒煞寒雲衣特地護霄端也應齒髮十分老

開慶十

三

煙嶼樓校本

自是嫦娥一笑難此夜不妨畱客醉明年未卜共誰看  
歸與上壑無窮趣何惜相從樂且盤

賦惠計院允堂

荆溪惠子鬢鬚髻義理鑽研到粹精允以名堂由意實  
漫云從仕但心亨一窗春草無窮意四壁秋蛩不斷聲  
若向此中能領會始知持敬造存誠

謝惠計院分餉新茶

乾坤正氣清且勁長挾春風作襟韻不惟散滿詩人脾  
還入靈根茁茗穎顧山仙人曇滯家帶春蒐摘黃金芽  
擣碎雲英琢蒼璧旋瀉玉盞浮白花半甌和露沾喉吻